
KENYATAAN MEDIA
(*Untuk Siaran Langsung*)

CGC Salur Sumbangan untuk Tabung Bantuan Covid-19

KELANA JAYA, 16 April 2020 – Credit Guarantee Corporation Malaysia Berhad (CGC) menyumbang RM500,000 kepada Tabung COVID-19, menyokong Kerajaan dalam usahanya membantu rakyat Malaysia yang terjejas akibat wabak ini. Pengerusi CGC Dato' Agil Natt, diiringi oleh Presiden / Ketua Pegawai Eksekutif, Datuk Mohd Zamree Mohd Ishak menyampaikan sumbangan tersebut kepada Menteri Kanan Pertahanan, YB Dato' Sri Ismail Sabri bin Yaakob di Kementerian Pertahanan (MINDEF) semalam, 15 April 2020.

Di sebalik persekitaran perniagaan yang mencabar, sumbangan dari CGC ini adalah merupakan kewajipan sosial dan tanggungjawab korporat CGC kepada negara ketika dalam situasi yang memerlukan ini. Inisiatif ini adalah selaras dengan pendekatan CGC untuk membantu anggota masyarakat yang kurang berkemampuan. Selain daripada sumbangan ini, CGC juga turut menyokong organisasi-organisasi lain dalam membantu golongan memerlukan yang terjejas akibat Covid-19.

Datuk Mohd Zamree Mohd Ishak berkata, “Usaha untuk menangani Covid-19 memerlukan sokongan dan komitmen dari kita semua, CGC turut sama dengan Kerajaan dan rakyat Malaysia dalam menghadapi krisis ini. Sebagai organisasi yang bertanggungjawab untuk membantu Perusahaan Kecil dan Sederhana (PKS), CGC juga komited untuk menyokong Pakej Rangsangan Ekonomi (PRIHATIN dan PRIHATIN Tambahan) yang diumumkan oleh YAB Perdana Menteri.”

Tabung COVID-19 yang dikendalikan oleh Agensi Pengurusan Bencana Nasional (NADMA) dilancarkan oleh YAB Perdana Menteri pada 11 Mac 2020 dan bertujuan untuk membantu mereka yang terjejas akibat wabak tersebut.

-TAMAT-



MENGENAI CGC

Credit Guarantee Corporation Malaysia Berhad (CGC) telah ditubuhkan pada 5 Julai 1972. Ianya 78.65% dimiliki oleh Bank Negara Malaysia dan 21.35% oleh bank-bank komersial di Malaysia. CGC ditubuhkan untuk membantu PKS yang tidak mempunyai cagaran atau rekod yang tidak mencukupi untuk mendapatkan kemudahan kredit dari institusi kewangan dengan menyediakan perlindungan jaminan ke atas kemudahan tersebut. CGC telah memanfaatkan lebih daripada 470,000 jaminan dan pembiayaan kepada PKS bernilai lebih dari RM75 bilion sejak penubuhannya.

Di samping itu, CGC juga menyediakan perkhidmatan kredit dan perkhidmatan penarafan kredit melalui anak syarikatnya Credit Bureau Malaysia. Credit Bureau Malaysia membolehkan CGC membantu PKS membina sejarah kredit dan rekod prestasi untuk meningkatkan kredibiliti dan kebolehpercayaan mereka. Dengan ini, PKS akan dapat memperoleh pembiayaan berdasarkan merit mereka sendiri dan pada kos yang munasabah.

Pada Februari 2018, CGC memperkenalkan imSME, sebuah platform rujukan pembiayaan / pinjaman PKS atas talian yang pertama di Malaysia. Sejak penubuhannya sehingga 31 Mac 2020, portal imSME telah menerima lebih daripada 1,400,000 kunjungan dan lebih daripada 18,400 PKS berdaftar.

MyKNP dilancarkan bersama Bank Negara Malaysia dan Agensi Kaunseling dan Pengurusan Kredit (AKPK) pada 21 Ogos 2019. Di CGC, MyKNP yang membawa maksud Khidmat Nasihat Pembiayaan, membantu PKS dalam mendapatkan pembiayaan daripada institusi kewangan. Platform ini bertujuan untuk memberi khidmat nasihat kepada PKS bagi membantu meningkatkan kelayakan mereka dalam mendapatkan pembiayaan dan pada masa yang sama, memberikan pemahaman yang lebih mendalam mengenai faktor-faktor yang mempengaruhi permohonan pembiayaan PKS.

CGC juga menguruskan Tabung Projek Usahawan Bumiputera (TPUB-i). Sehingga kini, CGC menguruskan sejumlah 45 skim jaminan dan pembiayaan termasuk 16 skim yang disokong kerajaan. Pada masa ini, dua belas (12) Bank Perdagangan, tiga belas (13) Bank Islam, dan lima (5) Institusi Kewangan Pembangunan (IKP) mengambil bahagian dalam skim jaminan CGC dalam menyediakan pembiayaan kepada pelanggan menerusi rangkaian lebih daripada 2,600 cawangan di seluruh negara. PKS yang berminat untuk mendapatkan lebih banyak maklumat digalakkan untuk menghubungi Pusat Perkhidmatan CGC di talian 03-7880-0088, emel csc@cgc.com.my atau layari www.cgc.com.my | www.imsme.com.my | FB: @CGCmy | Instagram: cgcmalaysia

Untuk sebarang pertanyaan, sila hubungi Jabatan Komunikasi Korporat kami:

Mohana Arumugam
Naib Presiden, Komunikasi Korporat
Tel: +6017-237-6366
mohana.arumugam@cgc.com.my

Patricia Liew
Pengurus, Komunikasi Korporat
Tel: +6012-286-9085
patricia.liew@cgc.com.my